

四庫全書

史部

欽定四庫全書

史部

山西通志卷一百

五十一

詳校官給事中臣王鍾健

檢討臣德生覆勘

總校官進士臣朱鈐

校對官庶吉士臣吳裕德

謄錄監生臣范光謙

欽定四庫全書

山西通志卷一百五十

列女二

平陽府

臨汾縣

唐

數首舜女弟象欲殺舜數首常保護焉尤善娥皇女英
舜所以烝烝乂不格姦者亦繇數首左右之也

周

齊姜晉公子重耳適齊所妻也有馬二十乘重耳安之從者以為不可將行謀於桑下蠶妾在其上以告姜氏姜氏殺之而言於公子曰子有四方之志其聞之者吾殺之矣公子曰無之姜曰行也懷與安實敗名公子不可姜氏與子犯謀醉而遣之

季隗狄女初晉公子重耳之及於難也晉人伐諸蒲城遂奔狄狄人伐廬咎如獲其二女叔隗季隗納諸公

子公子取季隗生伯儵叔劉以叔隗妻趙衰生盾將
適齊謂季隗曰待我二十五年不來而後嫁對曰我
二十五年矣又如是而嫁則就木焉請待子處狄十二年
而行惠王三十六年秦伯納公子於晉是為文公狄
人歸季隗而請其二子

文嬴秦穆公女晉文公夫人文公卒襄公即位夏四月
辛巳晉敗秦師於殽獲百里孟明視西乞術白乙丙
以歸文嬴請三帥曰彼實構吾二君寡君若得而食

之不厭君何辱討焉使歸就戮於秦以逞寡君之志
若何公許之

趙姬晉文公女也文公反國以妻趙衰生原同屏括樓
嬰趙姬請逆盾與其母衰辭姬曰得寵而忘舊何以
使人必逆之固請許之來以盾為才請於公以為嫡
子而使其三子下之以叔隗為內子而已下之

穆嬴襄公夫人靈公母也襄公卒靈公少晉人以難故
欲立長君使先蔑士會如秦逆公子雍穆嬴日抱太

子以啼於朝曰先君何罪其嗣亦何罪舍適嗣不立而外求君將焉寘此出朝則抱以適趙氏頓首于宣子曰先君奉此子也而屬諸子曰此子也才吾受子之賜不才吾唯子之怨今君雖終言猶在耳而棄之若何宣子與諸大夫皆患穆嬴且畏逼乃背先蔑而立靈公

伯宗妻伯宗朝以喜歸其妻曰子貌有喜何也曰吾言於朝諸大夫皆謂我智似陽子對曰陽子華而不實

主言而無謀是以難及其身子何喜焉伯宗曰吾飲諸大夫酒而與之語爾試聽之曰諾既飲其妻曰諸大夫莫子若也然而民不能戴其上久矣難必及子子盍亟索士慙庇州犂焉得畢陽及欒弗忌之難諸大夫害伯將謀而殺之畢陽實送州犂於荆

叔姬羊舌子之妻叔向叔魚之母初叔向欲娶申公巫臣氏姬欲娶其黨叔向曰吾母多而庶鮮吾懲舅氏矣姬曰子靈之妻殺三夫一君一子而忘一國兩卿

矣可無懲乎吾聞之甚美必有甚惡是鄭穆少妃姚
子之子子貉之妹也子貉早死無後而天鍾美於是
將必以是大有敗也女何以為哉夫有尤物足以移
人苟非德義則必有禍叔向懼不敢取平公強使取
之生伯石伯石始生子容之母走謁諸姑曰長叔姒
生男姑視之及堂聞其聲而還曰是豺狼之聲也狼
子野心非是莫喪羊舌氏也

弓工妻晉平公使工為弓三年乃成射不穿一札公怒

將殺工其妻見公曰妾之夫造此弓亦勞矣而不穿
一札是君不能射也妾聞射之道左手如拒右手如
附枝右手發箭左手不知公以其儀而射七札此儀
也端身如榦直臂如枝左臂毫髮不動巧力盡用之
右手是射家極則也

范母晉范獻子妻其三子遊於趙氏簡子乘馬園中園
多株問曰奈何其少子曰可以三悅使民簡子從之
少子歸伐其謀母嘆曰終滅范者必是子也夫伐功

施勞鮮能布仁乘偽行詐莫能久長後智伯滅范氏
君子謂范母為知難本

女媚趙簡子伐楚與津吏期津吏醉不能渡簡子欲殺
之媚請以身代曰妾父尚醉恐心不知非而體不知
痛也簡子釋其父弗誅將渡少櫂者一人媚請曰願
備父役簡子弗許媚曰湯伐夏左驂牝驪右驂牝黃
而放桀武王伐紂左驂牝騊右驂牝騊而克紂主君
但欲渡耳用一婦人何傷因發河檝之歌以鳴其意

簡子說曰昔者不穀夢娶豈此女耶將使人祝祓以
為夫人娟曰婦人之道非媒不嫁妾有嚴親在不敢
聞命簡子歸乃納幣於父母而娶為夫人

魏文侯妹許嫁於秦于歸不肯去至縣西南二十里見
峻坂驚怖墮車死因葬焉號曰志女陵

晉

靳康女者不知何許人也美姿容有志操劉曜之誅靳
氏將納靳女為妻靳曰陛下既滅其父母兄弟復何

用妾為妾聞逆人之誅也尚汙宮伐樹而況其子女乎因號泣請死曜哀之免康一子

唐

平陽公主高祖第三女也妻臨汾柴紹義兵起主與紹並在長安遣使召之紹即間行赴太原公主乃歸鄠縣散家財招引山中亡命得數百人起兵以應高祖時有賊潘仁聚眾司竹園未有所屬公主遣家僮馬三保說以利害潘仁攻鄠縣陷又說羣盜李仲文向

善志邱師利等各率衆數千來會京師留守頻遣軍討主率三寶潘仁屢挫其鋒主掠地至武功蓋屋始平皆下之每申明法令禁侵掠故遠近奔赴得兵七萬公主令間使以聞高祖大悅及義軍渡河遣紹將數百騎趨華陰傍南山以迎公主時公主引精兵萬餘與太宗軍會於渭北與紹各置幕府俱圍京城營中號曰娘子軍封為平陽公主以有軍功賞賚獨異於他主六年薨及葬詔加前後羽葆鼓吹大輅麾幢

班劍四十人虎賁甲卒太常奏議以禮婦人無鼓吹
高祖曰鼓吹軍樂也往者公主舉兵以應義旗親執
金鼓有克定之勲周之文母列於十亂公主功參佐命
非常婦人比也遂特加之以旌殊績謚曰昭公主

李拯妻盧氏美姿能屬文拯字昌時咸通末擢進士累
遷考功郎中黃巢亂避地平陽僖宗召為翰林學士
帝出寶雞陷於嗣襄王煚煚敗拯死盧伏屍哭王行
瑜兵逼之不從脅以刃斷一臂死

李氏殿中丞孫復妻相國李迪之姪女迪守充見復樂道安貧五十不娶以弟女妻之李歸後甘淡薄事夫盡禮有荆釵裙布風

元

崔氏周珠勒呼妻丁亥歲從珠勒呼官平陽金將來攻城克之下令官屬妻子散匿者死時珠勒呼以使事在上黨崔氏急即抱幼子貞以詭計自言於將將信之使軍吏書其臂出之崔氏曰婦人臂使人執而書非禮也

以金賂吏使書之紙吏曰吾知汝誠賢婦然令不敢
違命崔自揜袖吏懸筆而書焉既出有言其詐者將
怒命追之崔與貞伏土窖三日得免既會珠勒呼未
幾珠勒呼病亡崔年二十九即大慟柩前誓不更嫁
斤去麗飾服皂布敝衣放散婢僕躬自紡績悉以資
產遺親舊有權貴使人諷求娶輒自爬毀其面不欲
生四十年未嘗妄言笑預吉會治家教子有法人比
古烈婦云

趙烈女年二十未嫁寇亂被驅迫以行度不能免給賊
曰吾取所藏金以遺汝賊信之遂還投於廁而死
刁茂先妻劉氏嫁五十日夫卒哀毀過情自縊人救之
泣曰婦人從一而終何救為竟不食而死

明

張晟妻李氏元末晟為乾州學政卒時關中民起不能
還子文瑗甫九歲氏紡績度日兵稍息與子負骸歸
葬守節終身永樂初旌表

段蒼妻鄧氏年二十五夫亡守節子順妻張氏年二十
六順亦亡張守節如姑成化間並蒙旌表

安惟齡妻賈氏年二十七夫卒氏哀毀幾絕屏膏沐勤
織紉事育盡道弘治間旌表

張倫妻劉氏早寡誓不他適奉翁姑以孝聞郡守李奏
旌

樊志紳妻苗氏年十九夫卒遺子甫一歲甘貧守志壽
七十卒

宋鉞妻魏氏早寡無子女杜門守志親屬不往還比隣終年罕見其面後遭火燼困守益堅卒年八十餘事楊旌其門

王府典膳苟文質妻寇氏早孀矢志事育姑歿營葬無違禮建享堂以時祭祀築茶室以濟行人卹貧窮睦鄉黨卓有賢聲布政亢思謙為之傳

荀晉妻杜氏年二十五夫亡一女先天食貧苦守壽七十三終

解琮妻劉氏夫亡子在襁褓事親撫孤壽八十有四郡
守李旌其門

侯鐸妻康氏年二十五夫卒守節撫孤僉事高旌之
張鳳妻孫氏夫卒家貧親負土築墳遺孤五歲尋亦歿
守節不變壽八十三終

喬永年妻朱氏幼嫻母訓比歸喬克盡婦道閭閻變夫死
氏於兵燹中奉老親穉子竄徙流離卒保無恙苦節
三十六年卒

亢政妻傅氏年二十八夫亡孀居五十二載貞操無玷
巡按宋旌其門

國朝

楊名譽妻裴氏年十八適名譽家貧僦居於李即為之
傭以償其值暮春主人繕葺房舍羣工雜沓翁將探姑
洪洞慮裴稚弱扃之乃出有李先真者闖其無人遂
踰垣下氏急趨出門鍵氏乃大聲嚴拒先真懼扼氏
吭而死邑令王承露讞得其實先真抵死氏請建坊

旌表

喬五滿妻郭氏志行純潔里稱賢婦居與族人賴娃比
五滿往浮山賴娃率入逼之氏峻拒不從賴娃怒取
鐮刀所殺之事聞康熙五十三年建坊旌表

平陽衛李齊妻衛氏年逾百齡雍正三年旌表

賜貞壽扁額

秦得民妻李氏少孀矢殉或勸之曰老姑幼子皆若責
也徒死何為氏乃勉食粥糜奉姑撫子歷五十三年

壽八十二卒雍正七年具疏旌表

平陽節婦不詳姓氏亦不知何許人姜瓖之亂被掠行
至定州唐城村清水河側帝君閣下以柴頭書絕命詞
於壁自縊而死定州王知州具棺殮之致祭立墓殯
於閣後勒詞於石豎之閣下 題壁云妾古晉平陽

名門之女因姜瓖作賊為所掠百般逼辱抵死不從
行至古滹中山陶唐故地回首家鄉歸期永斷涉水
登山何時是止思父母不得見想丈夫不能睹時庚

寅四月十五夕也明月在天清水在傍願自盡於此
上不愧於父母次無慚於夫壻庶幾與水同清與月
同明而已 血淚春衫染絳紗哭聲飛渡河東家寄
將樓下香魂在願結來生並蒂花 紅顏何事盡成
灰棄女拋兒逐馬來夫面不知何日會妾身此去幾
時回兩行珠淚頻偷滴一片愁眉鎖不開今夜清風
天上月存亡二字苦哀哉 古澁能分濁與清妾身
怎肯墮風塵孤兒未許從他姓烈女何曾事二人白

練自懸心似鐵黃泉有恨骨如銀深山鶴唳猿啼處
過客聞之亦慘神 薄命難婦題

王國利妻亢氏年十九夫亡子甫一歲冰蘖矢守壽九
十有一孫家瑞登賢書

党九德妻張氏九德弟妻李氏胥早孀砥志守節撫孤
成名縣令旌為雙節

劉崇晉妻王氏年二十八崇晉卒矢守不二遇盜懼辱
抱女投火死

易州判蔣吉人妻楊氏年二十夫病割股食之罔效卒
慟哭屢絕守節以壽終

王之相妻劉氏之相坐罪遣戍氏泣與相訣曰妾聞貞
女不出閨門今相從數千里日與解卒為伍必多受
侮與其辱而生毋寧死為愈遂閤戶自經

梁曇妻李氏年十八夫歿于賈子甫兩月家貧日啖野
菜以療飢苦節六十七年卒先是曇嘗植槐于庭氏
愛護唯謹紡績不離其處氏曰此吾夫手植也見之

如見吾夫矣鄉人因呼為節婦槐云

庠生李希穆妻田氏年二十一而寡姑以痛子終舅娶繼姑田奉事加謹子長甫娶又與舅相繼亡一堂三廢撫事兼心既又遭地震姑媳俱罹害田隻身勞瘁婚喪備舉苦節五十五年卒

監生亢時律妻李氏年十九喪夫撫孤嗣晉嗣晉復夭婦賈氏年少無子撫從孫惜承祀婦姑苦志以終

庠生呂聲宣妻韓氏年二十一夫亡撫子宮成娶婦未

幾子亡孫夭苦不能堪而志行彌篤

樊恪妻張氏恪客死於外氏年二十五家貧不能歸覲晨夕號慟鄰里為之動容遺孤殤嗣姪亦夭疊罹凶慘志行彌堅

李明經妻亢氏年十五歸李越二載而李卒視殮畢旋即自縊

張文璣妻徐氏秉性貞潔遇無禮刎頸不殞復投繯而死

諸生宋嗣光婢張氏嗣光年八十妻子俱卒惟張侍巾櫛生子立業甫十歲而嗣光歿家貧冬無完褐爨不舉火所親諷之嫁張泣然曰我若有他如立業何立業有他如吾主何卒不變志

姚珍妻張氏珍僑京師病卒二子俱幼氏二千里舁柩歸葬年六十子成立將為氏稱慶氏曰未亡人以速死為幸不幸而長年固受弔不受慶也

斐光前妻李氏年二十一而寡無出父母欲嫁之氏曰

婦人失節何異犬豕如果相迫命盡今日矣父母意
寢氏七十有二卒

劉之忠妻于氏適之忠三載之忠邁癘疾卒昕夕號泣
勺水不入口有諷之者曰婦青年勿徒自苦氏瞪目
者久之乃佯節哀進飲食中夜解經自經柩側

季晉芳妻高氏年二十二夫卒子炳章生甫兩月有微
諷以終身計者氏厲聲曰背夫不義棄子不慈終身
之計孰大於是言者語塞性至孝父病日夜虔禱夢

神示以醫姓氏求之果得其人而愈孀居四十二載
足不踰戶外對子婦未嘗見齒

王瓚妻暢氏年二十夫亡無子撫姪為嗣守節四十餘
年邑令陳宗標表之

庠生李培妻范氏年二十一而寡子女俱無食貧守志
歷三十二年終

樊金直妻吉氏金直貧推車販鬻年十八夫歿遺腹生
子三登四壁蕭然敝輪餘側氏傭浣濯勤紡績育養

孤雛日難飽食苦節四十餘年見者哀之

趙瑄妻王氏劉祐妻白氏亢世陞妻陳氏庠生張紀維
妻劉氏張在午妻荀氏王法堯妻劉氏張淑範妻鄧
氏李慧生妻宋氏常久照妻安氏毛文耀妻羅氏陳
義興妻張氏馬晉錫妻王氏貢生蔣弘績繼妻劉氏
侯祥昇妻亢氏武鎮妻邊氏賀大奇妻宋氏張儀軒
妻鑑氏馬某妻席氏裴養真繼妻王氏孝廉桑拱陽
妻高氏鄭國寧妻刁氏陳葵忠妻康氏賈復旺妻茹

氏任尚美妻王氏生員陳所知妻朱氏生員徐祖武
妻荀氏廩生郭屹如妻王氏田可珍妻亢氏喬萬年
妻王氏席如珍妻安氏劉宇顯妻姚氏黃承志妻于
氏生員田生琳妻亢氏馬呈林妻宋氏劉有聲妻張
氏主簿宋道淳妻朱氏秦岡妻盧氏荀賢妻張氏郭
儼妻盧氏李守仁妻賈氏庠生亢以饌妻王氏通判
亢宗琬繼妻徐氏王選繼妻郭氏王珽妻衛氏賀慶
垣妻王氏賀阜妻馮氏庠生李精白妻孔氏裴吉妻

妻郭氏席守和妻李氏解祥妻王氏張汝涵妻李氏
李延秀妻王氏張內翰妻陰氏李希堯妻張氏李一
統妻鄧氏王貴廷妻劉氏王復茂妻陳氏李泰妻趙
氏孟則伋妻劉氏張守本妻秦氏暢丕傑妻張氏陳
復興妻茹氏庠生張純妻鄭氏庠生王九圖妻桑氏
吳起鳳妻張氏張宏儒妻郭氏監生燕國士妻宋氏
亢統祖妻王氏白應元妻盧氏賀進孝妻荀氏張正
元妻董氏張光連妻景氏庠生亢宗璵妻張氏王思

秦妻高氏庠生劉憲古妻張氏毛采妻裴氏劉敏妻
吳氏郝時選妻李氏章如玉妻張氏席如才妻安氏
吉星妻許氏李璨繼妻劉氏劉兆慶妻王氏郭鶴齡
妻張氏荀溶妻陳氏高承允妻狄氏張珣妻王氏李
之紀妻張氏張紀成妻賈氏張孜妻趙氏張國賓妻
郭氏張璽妻任氏庠生陳俊士妻宋氏竇光榮妻徐
氏竇道還妻鄧氏武文炳妻鬱氏侯佐妻盧氏廩生
樊之棧妻李氏賀元傑妻程氏郭聯捷妻適氏庠生

宋時劬妻李氏張重妻單氏李以緯妻侯氏張元品妻白氏以上俱守志節

襄陵縣

元

秦潤夫繼妻柴氏晉寧人潤夫前妻遺一子氏鞠如己出未幾氏有子潤夫死家事日微氏勤苦紡績遣二子就學至正末賊犯晉寧長子為賊驅迫在圍中既而得脫初在賊時有惡少與張福為讐往滅其家及

官軍至福訴其事連柴氏長子法當誅氏引次子詣官泣訴曰往從惡者吾次子非吾長子也次子曰我之罪可加於兄乎鞠之至死不易言官反疑次子非柴所出訊之他囚始得其情官義柴氏之行遂釋其長子而次子亦得不死事聞旌之復其家

吳榮歸妻李氏生子著甫四歲榮歸以吏值兵南畧邑陷而死氏年二十三時值歲祲備極艱苦義不再醮母欲奪其志不聽竄伏山谷間遇危難抱子涕泣禱

曰天苟不絕夫祀幸是子之或存也逾十年竟全以
歸子長就學登仕年八十四終至元十三年事達省
部除免本戶差役

靳清妻張氏生子三歲夫亡誓不他適敬翁姑睦鄰里
訓子有成以壽終有司具題旌表

杜信卿妻姚氏早寡無子撫姪為嗣愛育如已出閨門
凜肅終身無霽容至正二十一年旌表

明

吳承祖妻王氏生子希顏甫一歲承祖亡氏年二十有三誓不他適奉舅姑尤謹紡績以給衣食甘旨無缺比歿葬祭如禮洪武二十七年旌表與元祖姑李氏號一門雙節

解鵬妻李氏年二十子孜方四歲鵬故孀守四十餘年終始一節成化十五年旌表

高盛妻王氏年二十二夫亡子幼氏辛勤事育矢志不渝弘治間旌表

舉人李祿妻高氏夫故撫子弘道有成萬厯五年具題
旌表其孫李拭妻閔氏韶年孀守亦以節聞

張黑子妻賀氏年三十清白食貧流寇至四野剽掠氏
恐不免闔戶自經

劉廷贊妻梁氏僑寓廣陵乙酉城陷攜二子登樓舉火
自焚

吳道成妻馬氏年二十四夫故哀毀幾絕事孀姑撫幼
子備歷艱辛長子世芳早歿妻李氏守志如姑

張銓妻賈氏夫亡子允紳亦早夭婦王氏年二十餘同
守志節訓孫君弼登賢書

加如松妻王氏年十九夫故有豪族逼娶氏志堅金石
鳴官拒之

李科妻孫氏崔忠妻喬氏秦廷材妻吉氏吳椿妻白氏
郭尚智妻鄧氏梁汾妻崔氏張九霄妻李氏武舉郭
連霄妻亢氏郭明圖妻薛氏盧本實妻解氏狄來朝
妻梁氏以上俱守志節

國朝

許應鳳妻賈氏貧家婦也驚女女啼氏親送之晚歸遇鄰人衛升于道衛乘夜逼之氏堅不從疾聲呼救衛扼其喉而死康熙二十八年建坊旌表

李騰勝妻霍氏年二十夫故誓以死守事姑教子歷五十餘年卒

生員翟師孟妻段氏年二十五夫故師貢妻楊氏年二十八夫故毀面全身一門雙節

楊捷妻亢氏捷宦遊秦中卒氏與幼子跋涉東歸乳乳
無依苦節三十餘年

朱九思妻梁氏年二十五夫故勤紡績養舅姑送終教
二子成立

蔣貞女許字高昂未婚昂卒女臨喪守志終身不字

盧象頤妻梁氏年二十夫亡家貧子幼遇儉歲無以自
給徧縫衣履投水死

崔育橋妻陳氏梁宗仁妻秦氏張希孔妻郝氏裴晉彥

妻李氏監生李曠然妻翟氏宋邦秀妻劉氏張士秀
妻王氏楊宗美妻孔氏梁鼎隆妻張氏生員趙嗣忭
妻鄧氏許祥吉妻李氏王積德妻賈氏劉玗妻張氏
張天德妻張氏段如綱妻李氏霍光亮妻趙氏盧琯
妻王氏庠生徐國翰妻楊氏庠生徐國秉妻盧氏副
榜楊振妻郭氏庠生王育宣妻趙氏庠生翟邦臣妻
韓氏庠生張健翹妻武氏庠生梁瑋妻席氏庠生衛
冀妻霍氏以上俱守志節

洪洞縣

漢

義姁河東人義縱姊也以醫幸王太后問有子兄弟為
官者乎姊曰有弟無行不可太后乃告上拜義姁弟
縱為中郎補上黨郡中令歷河南都尉南陽定襄太
守以鷹擊毛摯為治後徙右內史以廢格沮事棄市

明

吉祥妻范氏年二十祥卒子思友方三歲撫孤守節洪

武間旌表

郭倫妻石氏少寡守志撫子諺成立天順間旌表

續慧妻胡氏年二十二夫亡織紉自活境苦節堅成化間旌表

南珍妻鄭氏年二十夫亡事姑撫子守節終身成化間旌表

岳巔妻孫氏年二十七夫亡子旺方六歲矢志守節成化間旌表

韓通妻宋氏年十九通病劇囑氏別適氏曰君非知妾者比卒毀容垢面足不域閭限卒年八十三歲弘治間旌表

郭用先妻商氏用先卒遺服生子暘身歷百瘁十九孀居壽八十卒弘治間旌表

衛敦妻韓氏歸敦三載而寡誓撫遺孤貧不變志八十而卒正德間旌表

生員鄭謙妻裴氏年二十二遺幼子良相謙卒氏哀毀

踰情深閨了處年七十未嘗一返母家嘉靖間旌表
魚臺知縣王相妻孔氏年二十四相卒冰霜勵操教子
三接成進士嘉靖間旌表

李俊妻南氏年十八俊卒子天祥甫五月勵志育孤壽
八十而終

王儒妻南氏年二十三夫亡撫子希顏成立娶柳氏年
十九生子弘智甫八日希顏卒婦姑同撫弱孤俱八
十壽終弘智妻段氏亦早孀課子一正為諸生邑稱

三節婦家

南椿妻柳氏少寡撫一歲子穩既妻穩亦夭遺瞽孫一
柳與婦樊氏共撫以存南祀姑婦節孝兩全宗黨賢
之

樊廷玉妻衛氏年二十三夫亡無子苦守志節舅姑歿
竭力營喪葬壽八十有五嗣姪婦張氏事衛以孝聞
郭佩妻左氏年二十七佩卒事八旬衰翁撫子贊甫成
子婦相繼卒孫文煥亦早夭畢生苦志有司旌之

運同韓士賢繼妻南氏早孀無子女節義自矢歷四十餘年卒

段守禮妻岳氏年二十三夫亡一子尋卒誓死不嫁貞守終身

知州宋溱繼妻張氏年二十五溱卒於官子亦殤扶柩抵里苦志以終

生員柳生香妻吉士年二十七生香亡無子撫姪為嗣愛逾已出家貧養翁姑無缺禮事聞旌表

韓克祖妻左氏年二十三夫亡弛容釋妝甘貧茹苦訓
二子胥列膠庠壽七十有六建坊旌表

庠生韓景翊妻李氏年二十一夫亡矢志冰霜二子續
祖纘祖俱登科第封氏太孺人壽八十有一具題旌
表

生員董惟慎妻韓氏年二十三生子用惠方三歲惟慎
卒心盟不渝閨壺肅然建坊旌表

生員郭養性繼妻張氏年二十夫亡守節六十年

監生衛成恩繼妻趙氏早寡無出撫前子守志以壽終
郎中晉承忠繼妻李氏年二十五承忠亡無子深居後
院不出閭不面人三十二年如一日

王家梗妻李氏幼敏慧嗜讀列女傳略識大義年十五
適梗二十二而梗卒截髮矢志泊子澤滂稍長氏謂
王氏有後可以從夫漸減飲食積病旬日而亡

高尚古妻郭氏年十九夫亡無子家貧如洗苦節六十
四年卒

守備李伸妻吉氏崇禎甲申逆闖犯太原氏勸伸力戰
且勗以殉難及城陷氏脫釵自刺其頸不死尋抱幼
女投井中寇去收其屍面如生

河間知府韓居觀繼妻鄭氏逆闖陷都城居觀偕氏攜
兩幼子出避過定興匿稠桑中賊勢奄至氏求絕觀
蹙額不忍氏曰我不死汝父子必不免矣且於此不
死恐後無死所也遂決意縊桑下藁葬道旁時年二
十二歲禮部尚書白孕謙作詩以輓之

趙國士妻范氏年十九夫卒矢守流寇肆掠氏恐辱身
上下裳服重複縫紉抱幼孫投井死

鄭達妻周氏張涇妻鄭氏南紵妻段氏柳鳳妻南氏韓
得芳妻張氏張鳳來妻梁氏南畝妻張氏楊機妻李
氏劉官妻張氏周南妻石氏張世倫妻魯氏南倣妻
梁氏李秉孝妻鄭氏晉邦臣妻石氏張復泰妻于氏
李同妻南氏生員呂翔繼妻柳氏南煥妻郭氏盧一
桂妻陰氏藉士魁妻劉氏張永中妻鄭士知州李如

松妻韓氏生員韓景顏妻劉氏吳天福妻韓氏生員
劉克寬妻段氏成廷聘妻李氏南有恒妻李氏仇朝
臣妻李氏知縣王嘉棟繼妻遂氏廩生石尚才妻衛
氏生員趙同升妻晉氏廩生宋文瑞妻陰氏生員劉
世範妻楊氏生員韓準祖妻商氏以上俱守志節

國朝

增生楊學震妻陰氏年二十夫亡矢守撫孤克底大成
長善孝廉官學正仲義進士官尚書氏封太夫人建

坊旌表

生員安宗宙妻員氏年二十七夫亡子甫一歲老翁年
八旬紡績資饋養會吳三桂變比鄰咸走避氏獨守
翁不忍去里以孝稱孀居四十七載雍正八年疏請
旌表

歙縣尹晉淑說妻衛氏姜賊變執搢紳索餉氏與子泓
避匿山砦賊役氣滿躡捕甚迫氏恐見辱遂自縊

任光統妻岳氏光統傭工異地卒氏年十八甘貧守節

竭蹶以歸夫樞事舅姑生養死葬俱盡禮鄉黨翕然稱之

生員石若玉妻喬氏于歸後勤苦相夫夫病傾奩醫藥卒不起氏辭父母從容縊柩側

段氏治銀支某妻也嫁未久夫邁惡疾氏度不能起預為治斂具先縊夫側越明日支亦死時年二十一

晉淑嶠妻劉氏年十六適淑嶠甫二載淑嶠歿決志殉夫脫簪刺其頸不死旋解帶自縊知縣金貴親奠誄

以辭

楊大旺妻許氏少寡遺腹舉子茂林窮居土穴紡績自食歷五十餘年卒

王聘妻蕭氏年二十四聘亡守節撫子母病刲股療之孀居三十四年卒

生員晉承賓妻左氏年二十六夫亡子淑景甫五歲託孤叔姒一志從夫晨夕號泣柩傍每至氣絕復甦卒以哀毀亡

生員晉淑琦妻王氏年十八夫亡無子誓死不二守節
五十年卒

生員晉家昌妻劉氏年二十一夫亡無子女甘貧守志
凡四十五年備歷艱辛

于鯨妻段氏鳴雷妻鄭氏霆霽妻段氏胥少孀守志撫
孤世稱一門三節

韓恭妻翟氏鄭之康妻陰氏楊于楓妻衛氏范效琦繼
妻邢氏生員劉其春妻楊氏生員樊奇生妻郭氏生

員殺衮錫妻劉氏生員柳垂經妻韓氏韓希祖妻張氏廩生晉淑鏊妻朱氏韓景愈妻柴氏嚴濱妻柳氏鄭宏基妻葛氏郭承祐妻李氏生員李元禎妻高氏同知王家楹繼妻郭氏王家齡妻邢氏前行人司韓續祖繼妻趙氏生員晉淑博妻王氏劉師禹妻石氏同知楊茂續妻張氏生員盧鴻祚妻王氏張承業妻董氏董其蒙妻李氏蘇又軾妻賈氏生員王鼎妻梁氏生員燕瑞妻范氏喬巍妻燕氏宋士俊妻孫氏生

員范聊鼎妻王氏楊振基妻王氏生員范翼妻劉氏
李彬妻杜氏李天裕母黃氏廩生任得民妻李氏王
繼祚妻程氏李國禎妻黃氏生員高鳴謙妻于氏生
員鄭珣繼妻華氏以上俱守志節

浮山縣

元

衛旗妻馬氏年十八夫故子禎甫二歲織紉養舅姑守
志三十餘年至大八年旌表

楊貞女幼字邑人衛貞既受聘貞以商卒於外訃聞女
哭之慟曰妾通名於衛即衛婦也誓守終身至正八
年旌表

明

陳敬妻郭氏年十七適陳甫數月陳勤王遠戍臨行與
氏訣曰此行歸否未卜善保遺孕育子以祀陳死且
無憾氏曰謹受命雖非子亦寧忍負君後生子俊撫
成之陳竟不返曾孫孜官陝西布政使上蔡陳遜學

撰文表其墓

蓋理妻張氏年十八而寡子世望未週張苦守撫孤家
範嚴肅蒙旌

廩生許鳳妻張氏敏慧淑慎未有子鳳邁疾不起疑氏
無固志諷之曰吾產頗饒且笥中尚餘膳銀十載可
以粗贍子將若何氏曰君脫不諱妾身且不有奚有
於此後鳳死七日之昧爽束妝易服哭諸靈遂自縊
高衡妻陳氏年二十夫亡三子胥幼家徒四壁氏與孀

姑矢守以節壽終

郭九仞妻張氏崇禎間賊至被獲欲犯之氏誘以善言
防衛稍懈投深崖死奉旌

齊國才妻葛氏崇禎間賊紫金梁攻破南王洞氏被執
與鳴臯妻張氏相繼死節詔旌

齊鳴臯妻張氏為賊所掠迫之俱去時氏方在制服縞
素紹曰我既行宜易吉服以從賊意弛乘間投道旁
井中死詔旌

衛道妻張氏王心妻張氏侯維新妻陳氏喬維通妻張氏張權妻高氏李約妻王氏衛朝紀妻齊氏成文妻喬氏蓋國典妻鄒氏楊瑤森妻陳氏生員李日暢妻侯氏許克已妻郭氏崔應雛妻秦氏柏完紳妻賈氏周家宰妻姜氏李鎧妻史氏黃浩妻張氏以上俱守志節

國朝

高景妻張氏年二十五夫亡姑老子幼家徒四壁或勸

之改適氏泣曰未亡人誓不為兩姓婦且是老而孩
者將焉置之守志養姑訓二子皆克有成雍正五年
疏請旌表

鄆縣令張垚妾賈氏少敏慧能讀女傳論語曉大義事
夫及嫡甚謹年十八垚病以年少令別嫁氏曰主君
脫不諱妾願相從垚微哂之氏曰主疑我乎請先死
以明志家人以為誑不之察越二日垚病篤遂自縊
而垚竟無恙

葛勣元妻秦氏夫卒遺一女庶子紱方幼氏鞠育周至
女外適恩無私及事翁姑及九旬色養不衰閭里賢
之

蓋祿重妻柏氏段徵妻秦氏楊祥妻鄭氏張桓妻段氏
柏耀妻石氏許文鑑妻李氏例貢張大績繼妻崔氏
張皇猷妻霍氏楊起林妻張氏秦淵妻程氏陳信妻
王氏喬永綿妻石氏王金魁妻高氏孫邦美妻蓋氏
王定圖妻高氏衛封妻秦氏衛疆妻張氏侯傳妻張

氏周日增妻程氏段審妻姚氏葛之福妻秦氏張銘妻周氏以上俱守志節

趙城縣

元

徐穀妻張氏從夫宦永濟倉事夫卒家貧氏匍匐扶柩歸葬大德秋八月地震屋傾舅被壓氏躬拾瓦礫血指不知痛尤善事姑垂訓戒子祭酒蔡文淵為之傳郭德元妻張氏張溫甫女年二十四夫亡子幼勤紡績

嚴課讀七十七歲卒至正間旌表

李益妻宋氏孝子李忠母夫卒勵志操終身無斃有貞

節門銘

明

監生賈澄妻李氏年二十三夫亡無子誓不再適孝事

舅姑咸登八旬有奇葬祭以禮孀居三十餘年正德

間旌表

喬貫妻師氏師岡女正德辛未遇賊變不屈死

王大威妻賈氏正德辛未城陷被掠繫之行過母家門
紿曰此吾家也入辭老母將永從汝行矣賊縱之遂
投井中賊怒下石擊死

楊烈女山東金鄉人隨父表正任本學訓導居宦邸未
適人為賊所掠得間自縊

劉翹妻賈氏歸翹甫朞年十七而寡遺腹生子元鳳撫
成列明經任山東霑化令廉能有聲無愧母訓

賈學禮妻師氏早孀守節撫孤當道咸旌其門

生員賈三才妻羅氏早寡矢節訓孤慶徵荷徵胥登仕
籍提學周旌其門

張烈女名雪梅張汝強女崇禎五年冬為賊所獲挾之
上馬行經大節溝奮投崖下死時年十六歲

賈秉英妻史氏有姿容遇賊不辱抱兒投崖賊怒趨至
崖下刀斫死

師孔妻王氏楊汝槐妻喬氏生員張其治妻王氏以上
俱守志節

國朝

生員閻承詔妻李氏年二十七夫亡無子姑垂暮忍死侍養姑病三年湯藥必親調守節五十一年卒

張慎行妻閻氏年十六夫亡遺娠生子貞節自矢撫存夫祀

王縉妻張氏縉賈卒於客邸氏年二十二家貧寄居母氏百計返夫櫬親拾土累其墓男女婚嫁次第備舉苦守三十九年鄉黨盡難其節

盧文炳妻王氏生員衛康妻晉氏生員李世藩妻晉氏
生員高進妻張氏王柏陽妻李氏以上俱守志節

山西通志卷一百五十

欽定四庫全書

山西通志卷一百五十一

列女三

平陽府

太平縣

元

賈廷秀妻王氏年十九夫亡撫三月孤成立守節六十餘年至元元年旌表

明

尉溫妻丁氏年二十夫亡貧窮自守六十三歲卒詔旌其門

李湖妻張氏少寡守節五十年嘉靖間旌表

李油妻丁氏年二十二夫亡堅志撫孤孀居三十年嘉靖間旌表

段益庫妻劉氏年十九適段段邁宿疾氏事之甚謹踰年夫亡號泣願殉防少懈即自縊

盧應聘妻閻氏年二十六夫亡越六月遺腹生子聘弟
應選妻黨氏適夫踰年甫生子夫卒子復夭妯娌砥
志胥完節以終

高歲妻王氏年二十九夫亡無子撫幼姪守志妾戴氏
從之既長娶婦孫氏甫生孫嗣子又亡三氏協志撫
孤完節以終

盧國器妻李氏年二十五而寡姑勸改適不從俟姑出
縊死柩側事聞建坊旌表

衛女好艾性貞烈年十三惡少牽衣戲之詈罵投井死
屍出怒目不瞑睛裂出血巡按勒碑其塚曰衛烈女
好艾之墓

田齊秀妻李氏年二十夫亡撫三歲孤誓無二志時為
富室所逼氏欲鳴官乃寢守節五十五年崇禎間題
請旌表

生員李棟妻郭氏年二十餘夫亡撫四歲孤克孝口授
經書稍長遣就外傳每下學輒驗其膚有受杖痕則

復責之克孝膺選拔孫弘敏成進士年五十五歲卒
知縣盧易上其事且為之傳

生員田澍妻趙氏年二十二夫亡澍妹適王連年十九
夫亦亡胥無子二氏伴守四十餘年都御史朱表其
門曰姑嫂奇節

趙秉爵妻李氏少孀甘貧守節建坊旌表

太學生衛廷對妻王氏柳州守王椿女從夫避寇揚州
夫故與妾吳氏矢殉胥不食而死王年二十有六吳

年二十有一都御史龍文光為之傳

監生李植妻衛氏夫亡同妾守志撫二子有成崇禎間
題旌壽九十終

柴奉簡妻王氏夫亡欲自縊隣婦慰之曰汝欲見夫地
下乎聞冥中不百日不能見也氏且不死泊夫葬適
符百日之期氏潛自縊知縣李喬崐立石表曰真烈
婦

張子穎妻甯氏崇禎十三年流賊入境氏棄子投井死

時年二十歲

趙蓋妻柴氏王友信妻李氏監生衛汝器妻楊氏鄭世
榮妻楊氏張九巖妻李氏衛論妻趙氏生員柴宗舜
妻張氏衛常時妻趙氏柴凌雲妻衛氏柴秉雲妻郭
氏衛效時妻李氏劉體乾妻尉氏張子登妻鄭氏薛
賓妻馮氏王薦妻張氏廩生柴柱寰妻衛氏生員柴
柱宸妻張氏薛九韶妻張氏以上俱守志節

國朝

梁邦泰妻關氏夫客外姜賊變被執氏紿賊至井邊遙呼夫名曰妾不辱君也投井死

王興娥年十四歲父耕娥往饁路遇惡少逼之不從被殺投其屍於井事敗出屍鑱痕徧體兩手猶握中衣通國義之

趙秉福妻祁氏年二十九而寡家劇貧備歷艱苦撫孫貢生定宋成立

進士郭衛宸妻張氏衛宸子太府妻王氏衛宸甥朱前

妻尉氏聞寇警胥投井死

郭而適妻李氏年十九夫亡父母憐其少欲嫁之乘間
縊死柩前監生王陞鶴妻衛氏亦年十九殉夫自縊
御史王奐曾為撰文以表之

曹永明妻李氏夫故衛王城氏不遠二千里扶櫬歸葬
撫孤入泮鄉黨賢之

胡萬財妻董氏萬財客莊浪病歿氏年十九生子甫月
餘氏舁柩東歸備歷艱辛撫孤守節歷六十年卒

侯維屏妻韓氏未婚夫發狂疾氏聞之曰此天命也無悔及夫亡矢守初心終身不變

庠生崔凌漢繼妻李氏年二十九凌漢遊學楚中死客邸遺幼子三家素貧氏拮据迎喪歸葬孝事孀姑訓課諸子胥成守節四十八年壽七十有六

州判韓養度繼妻張氏年二十夫故撫前子如已出誓不二志父兄迫之嫁氏憤極自縊

張修醇妻李氏王時聖妻梁氏李嵩妻楊氏中書衛泰

時繼妻單氏李調元妻楊氏趙文正妻衛氏柴莊中
妻單氏舉人李茂桂妻柴氏孫化龍妻邢氏楊景震
妻姚氏李虞變妻張氏妾韓氏劉弘馨妻李氏李馨
芳妻楊氏生員張企朱妻牛氏張煌聲妻衛氏生員
曹灼妻李氏盧叢榭妻張氏盧叢林妻曹氏王國士
繼妻梁氏李則愈妻儀氏儀新春妻賈氏生員李國
棟妻張氏梁建隆妻毛氏廩生馮運熙妻張氏趙都
晉妻賈氏楊思智妻衛氏楊發春妻張氏許登朝妻

吳氏王者寵妻師氏趙德化妻趙氏衛希蘇妻毛氏
衛嘉瑞妻楊氏吳來賓妻衛氏衛步荆妻趙氏衛來
貢妻席氏曹焯妻張氏柴邦宰妻張氏高君台妻張
氏王檀妻柴氏毛一鵬妻路氏韓睦燕妻柴氏柴喬
妻儀氏張榛妻馬氏李極妻張氏張桂妻趙氏監生
王恪母唐氏尉希禹母李氏賈國泰妻李氏賈鴻圖
妻張氏史建極妻王氏史繼經妻賈氏生員陳泰妻
原氏董金鰲妻李氏李雲楷妻張氏李志望妻薛氏

盧叢枏妻屈氏李運盛妻柴氏原大澤妻楊氏生員
柴繩母賈氏增生柴鴻飛妻李氏柴永昌妻張氏王
化隆妻曹氏鄧世輔妻李氏王家珙妻高氏鄭元吉
妻邢氏張雲駿妻楊氏丁從妻孫氏生員丁理廣妻
張氏宋之璠妻柴氏關弘耀妻王氏關復寬妻郭氏
生員戴皇仁妻王氏賈從真妻梁氏許柱妻張氏李
隆漑妻張氏劉祖禹妻郭氏關中鍵妻王氏楊象泰
妻張氏儀冲霄妻杜氏張穩生妻吳氏衛則荆妻李

氏衛念茲妻薛氏郭拱極妻李氏崔鍾妻盧氏巨升妻
丁氏闕明堂妻衛氏郭鈞妻闕氏衛樟妻李氏許烈公
妻盧氏胡廷棟妻張氏守備曹星臺妻戴氏許迎妻李
氏楊冲霆妻盧氏柳天德妻楊氏王遇妻趙氏王氏望
妻曹氏生員衛向中妻丁氏高可嘉妻王氏廩生趙晉
瑄妻盧氏張弘傑妻李氏陳奇畧妻許氏生員宋接武
妻張氏生員梁國隆妻楊氏韓爾幹妻丁氏生員曹翰台
妻衛氏曹爾恭妻柴氏白秦柱妻周氏以上俱守志節

岳陽縣

明

劉鏜妻趙氏夫亡撫三歲子大剛既娶而歿遺孫邦仕
邦劍胥撫成為邑諸生

楊珙妻喬氏年十八夫亡守節撫子以壽考終

黨應亨妻賀氏年二十五而寡事哀翁撫幼子堅守志
節寇變遇害

孟鳴陽母王氏年二十一孀居守節崇禎五年寇變被

掠大罵不屈死

范志科妻王氏崇禎五年為賊所執逼污不從抱子投崖死

范志大妻周氏被賊掠投崖未死復自縊於樹

范女名蘭香范星鼎妹年十四有姿色寇亂度不免遂自縊

趙鵬妻王氏廩生趙國鼎妻陰氏李夢辰母楊氏石應輔母任氏任可敬妻李氏黃袍妻郭氏庠生張登薦

妻王氏以上俱守志節

國朝

張應奇妻陳氏早寡苦節自矢歷遇兵荒守志彌勵壽登百歲卒

李茂林妻梁氏生員李廷棟妻王氏生員任尊榮妻趙氏生員王天弘妻段氏庠生李生瑞妻韓氏拔貢張朝儀妻王氏生員趙楣妻陰氏段執圭妻李氏張文斗妻劉氏羅世英妻吳氏武生趙構妻王氏庠生石

大章妻李氏以上俱守志節

曲沃縣

周

曲沃負魏大夫如耳母也秦立魏公子政為太子魏哀王使使為太子納妃而美將自納焉曲沃負聞之因歛王門而上書王然其言賜三十鍾乃勤行自修勞來國家而齊楚強秦不敢加兵焉

元

王時亨妻郝氏時金末元初兩朝以澮水為界時亨備
戍絳陽城陷而死氏年二十有奇遺孤德融及二女
俱幼氏撫育子女誓不再醮尋德融為金人掠去或
勸他適氏曰吾子即不歸我盡力女紅足以自給安
忍再適令人指摘也數年金人悉放俘掠者北歸德融
攜一族妹同返既至氏罄所蓄多方購求始得還家
後德融以孝行舉為新邑酒稅監氏年八十有二卒
李偉妻文氏謙亨母也事姑孝謹姑早寡晚邁足疾氏

左右扶掖朝暮無間姑卒遂成痼癘時稱孝婦以子貴封隴西郡夫人

明

李洪妻張氏早寡遺孤金甫七月氏撫之守節母欲奪其志遂絕粒死事聞旌表孫紹先撰碑記

常俊俊常銘女正德六年為流寇所執義不受辱投井死

賈女吉銳聘妻銳賈於外迎女歸未合黿而銳卒於旅

邱隣母以婦禮未成諷使再適女志不撓以伯子為嗣壽八十餘終

趙漢妻李氏少保浩之女漢卒氏哭之痛屢絕復甦既而悟曰死易立孤難乃撫育遺子節操罔渝事聞詔旌

鞏女母夢梅而生遂名賽梅年十六受聘未嫁父母於田賽梅獨處室有強暴踰垣凌逼之賽梅持刀以拒得免父母歸訴其事誓死父母止之賽梅曰不死誰

知吾志者竟自縊

生員李德恭妻韓氏年二十德恭亡欲自盡姑指遺腹
曰姑俟之倘生女死未晚也氏意稍解踰月生男茹
苦撫孤歷六十餘年卒

賈懷禮妻張氏夫亡矢殉家人守之不得後防懈自經
柩側有司以聞詔旌

衛女幼字李三李三客外舅姑以衛年及笄先迎入室
俟子歸成禮無何李客死姑令再嫁氏曰父母命妾

奉箕帚於李氏天也違天不祥卒不從有司題請旌表

許有倉妻上官氏倉亡哀慟不食縊死柩前奉旌

庠生張汝霖妻房氏年十九霖病將殞氏曰盍少待遂
闔戶自縊家人覺而救甦復絕粒百勸不食會姪鳳
儀生姑喜曰此天相吾婦也即嗣之且慰諭曰撫此
子始不負而夫氏涕泣受命忍死撫成之

王大儒妻史氏年二十二大儒卒以貞節聞子克榮婦

劉氏克榮病醫曰得鹿血則療人血尤良氏刲臂取
血和藥食之罔效乃斲棺二克榮卒旋即自縊人稱
一門節烈

生員趙時禎妻劉氏年二十一禎病語氏曰我死汝安
之氏曰願從地下耳禎死乘間自縊

賈獻策妻邢氏年十八夫亡生子還醇未彌月氏慟哭
淚血幾致喪明念立孤綦重忍死育之稍長遣就外
傅嚴督課還醇補諸生建議誅賊蔚有賢聲孫佩徵

曾孫鳴璽父子同榜璽且掄元成進士咸謂貞節之報云

陳治道妻衛氏年二十夫亡遺腹生子復亨督以就學苦節匪懈事聞建坊旌表

鄭啟廉妻陳氏年十八夫亡吞鍼求死不得尋復自縊梁宗孟妻楊氏宗孟卒有導氏他適者氏微哂不答一日禮翁姑神主走拜夫墓歸而求水澡身家人不之察氏忽掩闕下鍵自縊死事聞建坊旌表顏曰從容

就義

梁景秀妻李氏景秀病彌留囑以別適氏泣曰婦人無
二天君行妾即從之秀卒縊死柩側

李含香妻王氏含香積病十餘年典簪珥求醫藥始終
無倦色夫故廬舍田疇悉付夫從子自製縞衣一襲
語從子婦曰留以備用家人莫解越日設祭夫靈潛
自縊

梁有成妻成氏夫亡即自縊時氏年二十七歲

周永通母王氏崇禎辛未流賊入境氏匿白水村山洞
內洞破被執行小徑間拉賊同墜千尺崖下死之賊
亦死

鴻臚吳中易妻衛氏甲申寇至氏匿樓上羣賊縛鴻臚
大肆凌虐氏聞髮指厲聲罵賊墜樓而死賊衆為之
咋舌奉詔旌表

李柵妻秦氏柵被賊執氏疾投百尺崖下絕而復甦眇
目折足終身殘廢

韓登科妻郝氏流寇克城罵賊死之

李成科妻王氏夫亡子敬止幼矢守撫孤題請旌表

許訓妻吉氏梁柱妻李氏張遜妻李氏生員因楷妻仇

氏進士盧世登繼妻王氏任學恩妻王氏李干妻張

氏趙天恩妻郭氏高擢妻許氏任鳴瑚妻王氏以上

俱守志節

國朝

衛嘉孚妻許氏嘉孚常賈燕趙吳越間氏事翁姑以孝

及嘉孚客死江右寄竈儀真子周印周祚俱幼氏忍死立孤二子先後成進士歷卿相顓陳苦節建坊旌表

柴承惠妻秦氏年二十二夫亡遺子甫三歲砥節四十餘年建坊旌表

趙雲峯妻呂氏夫卒設二棺矢殉隣人勸之且曰死必累我氏乃投牒於縣祈無累隣令勸亦不應死之日會姻婭設奠其夫衆賓紛錯覓氏不得已自縊於私

室矣維時帽工曹應志妻王氏其死事畧同邑人稱
為雙烈云

生員張渾然妻王氏渾然病篤氏備衣衾每襲為二或
詢之氏曰是人所必須者渾然歿服所製衣自縊柩
側

國子生賈鳴璧妻王氏鳴璧亡氏年二十二歲子女俱無
閉閣守志姑病自夏及春幾半載氏左右扶持備極
勤勞比歿哭甚哀及葬臨穴一慟遂病顛後二年卒

年四十有五

賈遠妻蘇氏年二十夫亡無子性沉默寡言笑舅歿與其如張氏辦喪葬五晝夜不知倦比張歿氏哭之慟聞者哀之氏寡二十年始得姪百朋撫為夫嗣誨訓有成學使劉於義旌其閭

國子生李莊妻賈氏莊亡氏年二十三無子一女僅週歲莊柔弱素為族黨魚肉比歿侮奪交至氏以一女子左枝右柱卒弭羣患守節二十四年卒

許炳妻李氏姜賊變避山堡間堡破呼兒婦李氏與俱死投絕險處氏死之李殘廢

舉人梁永建妻仇氏寇攻堡亟謂永建曰君急圖存毋顧我我必不辱也墮堡而死

呂雲樞妻許氏郭可盛妻趙氏罵賊不屈並遇害

庠生李振采妻尉氏避寇韓村堡時隣堡皆破語振采急行振采曰爾將若何氏曰吾已得安身之所矣疾投崖死采慟哭而行又庠生李登壇繼妻馬氏堡破

亦墮峭壁死

李鯤龍妻解氏寇入境被執氏大呼曰吾婦人不幸為賊所掠有死而已躍身入井又趙應春妻李氏郭明儒妻行氏義不受辱胥投井死

趙國昌妻褚氏避賊汾曲小堡堡破執之上馬不從賊怒砍死已而復甦抉面折股終身殘毀又許元鼎妻李氏墜城折腰亦以廢疾終

李敬業妻許氏夫亡年十九會闖逆變攜子丕隆隱觀

音山順治初丕隆授大田令臨行氏諭之曰令長一邑民生攸繫毋黷貨毋嚴刑是即所以孝我也不丕隆卒以良吏聞

華州尉衛弘嘉妻李氏弘嘉亡子蒿幼氏守義不二攜蒿隱絳山訓以大義蒿卒以著述顯

武生王道激妻靳氏年未二旬夫亡無子誓以身殉既而夫兄生子舅姑命氏撫之氏喜曰夫有後可以緩死矣含荼茹苦凡四十六年而卒李明經崇樸為之

贊

李綿世妻王氏年十七歸李二十五歲李卒一子三女
俱幼家復貧無伯叔可依氏悉力搯拄備極勞苦歷
三十六年卒賈明經乃音為之贊

秦琬妻董氏及笄歸琬子女各一琬病革謂氏曰汝年
幼我死擇善夫事之氏泣曰勿擾病懷且事固多未
料詎必君之先死耶因走白其妹以子女為囑妹意
其夫將不起領之氏歸竟自縊夫亦尋亡

楊屏妻王氏年十六歸屏月餘屏亡越七日自縊

喬國恩妻劉氏名小件喬他出有惡少踰垣入欲亂之
氏厲聲大罵惡怒持剪刀刺殺之

張永賢妻張氏小字恩恩賢貧業鑛煤宿山中有狂且
乘夜入室挑氏大呼狂且遁語鄉隣以故哭達旦
賢歸囑跡其人氏入井死越四月始殮顏色如生

董淬帷妻王氏淬帷卒自經家人救之甦殉志不變逾
年淬帷忌辰痛哭仰藥死

呂民仰妻李氏民仰歿事病姑彌謹教子有成性和易
好施予隣車嘗傷氏股骨幾斷家人欲甘心焉氏曰
命也勿問

許介繼妻張氏年十八歸介介赤貧舌耕糊口不聞有
詬訛聲介沒悲痛欲絕密製襖衣夫葬有期潛自縊
祁興泰妻張氏于歸兩月興泰出遊閱六載卒於客邸
訃聞矢死盡償夫之逋負曰庶使死者無愧也乃自

縊

生員李嘉績妻辛氏夫亡守志姑病藥餌皆手治姑偶深夜索羹苦不得火神龕中隱隱有光迸射因取而炊羹以進姑病頓減咸謂誠孝所感云

李敬妻賈氏夫歿子夭氏曰不如夫婦母子泉臺之相聚也哀毀而卒

郭鵬翔妻王氏鵬翔家貧稱貸頗夥鵬翔死鬻產殮畢餘則盡以償債或疑有他志微諷之不答遺米數升畀家人為訣遂自縊

王學俊妻解氏夫浪遊家貧女紅養姑姑死氏尋亦死
鄉人哀之

舉人王价妻衛氏夫亡同妾甯氏誓死守節教子成立
徐士琰妻賈氏趙帝擢妻張氏劉廷元妻王氏夫亡不
欲獨生俱縊以殉

梁諤妻蘇氏年十六適諤甫三月諤亡氏曰女不二夫
志也且孀姑無子非妾安依孝養沒姑身卒年六十
有一

賈愚妻李氏結褵甫十日愚嬰病尋亡氏慟哭誓以身殉越二年志不少懈比愚將葬啟舅姑歸寧父母並走外家問外王母無恙既返治喪事如平時是夜自縊愚柩之旁年僅一十八歲邑令王世銑以完名全節旌之

惠潮道仇昌祚妾李氏幽閒有婦德尤精女工事昌祚甚謹昌祚卒惟幼孫與居遇生忌日巾車一至墳上餘輒閉閣不出閱二十五年卒昌祚官同知遇變以

忠見氏處小星能從一節論者推合德焉

關加福妾武氏年十八來歸事加福四年加福卒正室亦繼逝氏撫子偉儒四十二年拊循教誨克有成立既卒邑人稱之

武生尉積隆妻李氏積隆歿長子宰世宏世後先俱逝幼子宣世方週歲家人議析箸提攜孤弱出居別院殘燈老屋中母子二人相依為命年七十餘沐養老異數守節五十四年

上官璠妻王氏舉人李丕挺妻衛氏衛文緒妻賈氏仇
文達妻呂氏因樟妻郭氏秦士柱妻任氏呂侃妻郭
氏張鳳鳴妻許氏郭九通妻靳士李株妻蓋氏張光
烈妻楊氏張鳳翔妻王氏呂存仁妻衛氏王天錫妻
李氏楊雲禎妻李氏趙應元妻席氏張維妻趙氏馬
一麟妻李氏姚如玉妻張氏范德修妻賈氏許作庠
妻王氏李時順妻靳氏李鉉妻閻氏秦聖愷妻董氏
仇檜齡妻賈氏石滋雲妻許氏韓弘毅妻李氏張日

達妻陳氏王加秀妻蘇氏任建隆妻秦氏郝逢備妻
張氏張朝琴妻董氏李汝華妻解氏衛周裔妻張氏
李景雍妻宋氏席上珍妻賈氏劉安社妻周氏秦時
新妻張氏魯之賓妻常氏生員郭衛民妻許氏舉人
衛際可妻張氏董光顯妻賀氏張應奎妻仇氏段成
律妻任氏將軍裴良積妻上官氏王爾輔妻吉氏王
丕振妻董氏李國禎妻楊氏吉文會妻梁氏李權妻
張氏李丕建妻郭氏王學孔妻趙氏李丕騰妻趙氏

湯應豸妻王氏許仰衡妻衛氏謝道純妻閻氏蘇邦
庶妻楊氏生員王家賢妻杜氏吉永照妻靳氏楊永
泰妻靳氏賈國勲妻常氏李再見妻靳氏李韻妻郭
氏張維全妻馬氏徐日省妻楊氏謝演妻王氏盧生
色妻衛氏郭鎮威妻喬氏李化功妻劉氏閻我範妻
王氏石養奇妻李氏武舉仇際康妻常氏張維藩妻
席氏李琰妻王氏王世德妻勾氏王德興妻許氏董
國猷妻楊氏王安民妻王氏張廷旦妻常氏台攀鳳

妻韓氏衛瑄妻盖氏王文徵妻王氏上官柱妻甄氏
生員王發祥妻李氏吉永正妻張氏張京魁妻馬氏
吉維謙妻邊氏王含章妻衛氏王訓妻董氏傅錫蕃
妻趙氏劉鳳梧妻張氏靳守恒妻許氏楊必達妻張
氏郭民止妻張氏楊帝德妻周氏常紳妻徐氏耿清
妻李氏李苑妻郭氏李掄秀妻郭氏王統民妻高氏
呂綦妻劉氏董大猷妻李氏李蘅妻耿氏杜啟蒙妻
王氏因振業妻吉氏韓穎妻郭氏趙之昌妻仇氏王

恒妻秦氏馬漢良妻李氏王洪福妻衛氏衛埜妻許氏王瑛妻秦氏王國璋妻馬氏宋承山妻許氏楊國才妻王氏董錫冕妻張氏蘇羣生妻王氏解轉妻劉氏趙良善妻王氏馬君錫妻杜氏李膺祺妻王氏荆之琬妻楊氏李挺妻賈氏李世芮妻許氏許之瑾妻仇氏楊大朋母劉氏因秉憲妻仇氏彭珽妻楊氏李方蔚妻靳氏秦廷璧妻段氏王翰妻劉氏台正偉妻衛氏秦之彥妻王氏賈成德妻邊氏秦繼統妻衛氏

王國士妻許氏鄒啟賢妻王氏秦國幹妻李氏董鼎
鼐妻張氏傅啟丁妻辛氏王瑗妻李氏李作敏妻甄
氏張光亮妻章氏湯之盤妻王氏梁繩武妻喬氏楊
連妻周氏常師儒妻李氏楊枝森妻田氏任以恒妻
李氏張光斗妻續氏傅養氣妻李氏傅毓麟妻趙氏
張五龍妻王氏郭積貴妻董氏任之樞妻上官氏郝
逢備妻張氏舉人李士古妻王氏嚴國珍妻張氏賈
有譽妻梁氏生員仇秉道妻郭氏王乾綱妻柴氏常

自明妻靳氏黃三輔妻郭氏董文慈妻尉氏張養冲
妻梁氏生員仇承祚妻李氏張爾志妻蓋氏王元錄
妻李氏生員常南征妻鄒氏柴如楨妻王氏李培妻
仇氏石蒸雲妻王氏李世忠妻許氏許斗南妻張氏
廕生衛台璣妻郭氏常正儒妻張氏張問達妻秦氏
董簡妻崔氏秦誓欽妻郭氏仇拱辰妻柴氏武生常
大儒妻王氏尹國俊妻高氏馬吉兆妻王氏鞏教寧
妻楊氏生員劉紹堯妻吉氏鞏丕興妻李氏李名教

妻張氏王于洛妻上官氏舉人董琬妻楊氏杜堯臣
妻賈氏劉國璞妻郭氏李世元妻衛氏李芳聲妻衛
氏弟可仁妻雷氏崔之璇妻郭氏田正聲妻柴氏王
復恂妻鞏氏杜梓妻蘇氏生員衛埜妻許氏楊雲棟
妻張氏樊居敬妻宋氏董尚素妻王氏常崇義妻靳
氏王廷璧妻王氏張奇英妻傅氏何承雲妻車氏嚴
自得妻李氏以上俱守志節

翼城縣

元

宋仲榮妻梁氏舅歿負土為墳人以孝稱見元史

明

楊鵠妻戴氏年二十五夫亡撫孤鵠成立孫汝盈未週
綢亦故撫卹視鵠有加孀居五十餘年建坊旌表

生員牛琮妻張氏年十九夫亡無子女父憐其少欲嫁
之氏誓死不從冰操四十餘載有司以聞詔旌

王付明妻楊氏年二十三夫亡矢節翁欲奪其志氏斷

指絕粒投井濱死者再翁意乃寢苦節五十年建坊旌表

李乾妻常氏年十六夫亡撫子桂甫成尋亦卒桂婦楊氏年二十持刀欲刎救之斷一指哀毀絕食姑婦相繼亡詔旌表

張漢翼妻蘇氏夫亡誓不欲生遂自縊詔旌

李若魯妻袁氏年十八魯卒無子立志守節有司月給布米題請旌表

生員袁守泰妻高氏早孀守志訓子宗顯舉鄉薦年踰
大耋題請旌表

生員劉璜妻張氏少寡子名士亦天同媳常氏茹苦砥
志訓孫湛明登賢書具題旌表

李檀妻陳氏年二十二夫卒事姑孝謹遺子光先甫週
訓廸成名仕成山衛經歷守節六十餘年建坊旌表
廩生常君用妻呂氏孀居守志歷三十餘載嗣子啟印
萬歷丙午發解直指疏聞旌表啟印妻陳氏年十九

亦孀居嗣子拱辰孀守四十餘年與姑同稱完節
袁奪錦妻趙氏年二十一而寡與繼姑侯氏撫孤夢鯤
既娶尋卒復與媳李氏同撫幼孫三世苦節宗黨憐
之

劉聲宏妻陳氏年二十夫亡守貞撫孤寇亂被掠投河
死

盧春魁妻李氏夫亡三日不食縊死柩前

任登第妻楊氏年十八夫亡守志撫遺腹子三德成立

壽八十餘卒建坊旌表

舉人賈學路妻呂氏年二十七夫亡撫孤三載孤死遂

自縊

鄭邦瑜妻張氏年十七結褵甫兩月邦瑜卒氏絕粒求死有為氏解者氏曰慷慨赴死易吾特為其易者五日投繯喪次時有白蛇繞尸之異事聞旌表

監生常鴻洙繼妻楊氏嫁未三載夫亡無子女矢守不二崇禎五年寇迫氏罵不絕聲賊怒腰斬之旁有憐

其節者瘞之而去

周嘉士妻李氏明季盜起夫卧病賊至婦曰夫婦願同死賊義之相戒勿犯

曹旋妻吳氏史驥妻梁氏郭維妻張氏通判張憲妻高氏王柏妻郝氏李鳩妻周氏周謚妻聶氏續琳妻王氏生員趙遷妻史氏郝鎧妻郭氏生員關永安妻杜氏生員楊汝滄妻陳氏杜志在妻蘇氏生員符節妻楊氏李文智妻張氏衛天元妻董氏舉人薛天培妻

劉氏生員李日森妻袁氏李日鵬妻孔氏高節妻戴氏以上俱守志節

國朝

石崖烈婦農家女也夫商於外婦與姑偕處安定國變掠其家悅婦色欲亂之不從賊刃姑以懼婦婦給曰若能為姑營葬則相從不且死賊果購棺以葬葬已婦墜石崖死賊愕然歎息而去時有給役賊者傳其事惜逸其姓氏云

秦楷妻周氏年二十五夫亡母欲嫁之不從自縊死

王振麟妻上官氏幼涉書史通大義年二十八夫卒悲
慟絕漿水姑曰不聞夫死從子乎氏承命節哀朝夕
嚴課讀常戒子曰千鈞一髮惟汝是視余之不死意
在成汝耳後子嗣遠官同知贈氏太宜人

盧慶瀛妻王氏年二十夫亡氏含殮祭告悉如禮無何
父至微諷之嫁氏弗答父還泣拜夫靈晚更櫛沐縊
死棺側

楊文焯妻高氏年二十四夫亡痛絕而甦者再視殮畢
即自縊

梓人程九經妻高氏九經以建屋墜梁死姑年八十子
管管六歲復管四歲家赤貧父母命再醮二子跪泣
曰毋留兒願丐以養氏大慟曰與兒俱死耳忍舍兒
他適耶乃與二子晝拾於野得遺穗以養姑自掇藜
藿雜糠粃食之夜則身織子紡以過勞疽發於脇而
死聞者莫不隕涕

張一貫妻孫氏姜賊變一貫為賊所殺迫氏俱去氏叱
曰寧死不汝從也賊強牽之氏堅抱一樹罵不絕口
賊怒斷其手足支裂而去月餘樹亦枯

生員衛瀚妻常氏年二十六夫亡殉志甚堅妯娌以幼
子勸氏曰子已七歲不待乳哺矣且有伯氏在可無
憂也絕粒而死

王綉妻耿氏適綉甫二載姜賊之變挈家避山洞內賊
至縛綉將刃氏挺身前告曰孀姑畢生苦節願留夫

養妾請代之賊釋綉挾氏行過道傍井墜馬遽投賊
急挽之仆地不起賊怒遂手刃焉

許錦妻馮氏年二十五夫亡無子母勸他適不從強之
乃自縊

張福星妻張氏年二十福星亡徒手謀朝夕事育維艱
閱十餘載遇饑氏撫膺長慟曰吾力竭矣一號而絕
監生李訥妻侯氏年二十七子日森妻袁氏年二十孫
泰妻陳氏年十五胥寡一堂三嫠嫠黨憐之時有勸

陳改適者陳撫膺曰吾鮮子女又不早殉亡人以致
有此持刀自刎賴救獲免

張大臯妻程氏宋應薦妻張氏崔鳳鳴妻李氏生員燕
民望妻周氏張崇德妻范氏生員衛肇祚妻王氏樊
天祐妻秦氏薛來貢妻楊氏生員上官慎妻柳氏周
化成妻楊氏生員陳文焜妻李氏王士化妻呂氏劉
之公妻高氏張等妻衛氏武生薛貞妻常氏李舜宰
妻續氏呂江妻陳氏崔奎光妻侯氏生員秦學蘇妻

柳氏副貢戴炳星母王氏生員李春妍妻鄧氏衛弘
祚妻薛氏馮嘉遇妻解氏太僕呂維寧繼妻李氏呂
國俊妻陳氏楊翔鳳妻鄭氏袁乃涑妻王氏孔興道
妻黃氏王洪圖妻李氏生員王民熙妻陳氏任藩妻
李氏盧奇遇妻高氏薛元繼妻周氏薛昌齡妻劉氏
侯應元妻石氏戴瑞章妻秦氏王公侗妻劉氏鄭龍
光妻燕氏生員鄭掄妻高氏生員董晉妻侯氏王師
帝妻賈氏王增修妻衛氏李在廷妻吉氏生員崔為

俊妻劉氏李應台妻劉氏張汝明妻李氏侯受國妻
王氏張芳踪妻李氏秦鎰妻李氏安鴻圖妻朱氏蘇
鍍妻王氏馬稱德妻張氏張慎事妻徐氏張三聘妻
史氏焦光宇妻李氏張懷妻牛氏衛泰妻石氏王遇
麟妻柳氏胡燦妻劉氏郭永盛妻曹氏高宗冉妻戴
氏燕于廷妻蘇氏董芬妻侯氏羅承德妻李氏生員
常克家妻李氏焦繼夔妻安氏喬煥妻石氏俱少寡
無子王紹義妻袁氏和凝禧妻李氏衛可增妻郭氏

高淇妻許氏高淳妻王氏侯御天妻常氏薛大任妻
孔氏李弘吉妻董氏賈印龍妻王氏張秀士妻程氏
左國忠妻侯氏柴華妻孫氏張烱妻王氏同知王章
妻吉氏鄭學尹妻李氏秦鼎相妻聶氏董惟勅妻高
氏以上俱守志節

汾西縣

明

郭文英妻程氏年十八夫亡誓不再醮律身嚴謹足未

嘗出戶庭育孤進底於成年六十歲卒

要舒繼妻王氏年二十六夫亡前子應繼氏子應聘亦
早夭人或難其守氏曰應繼有子吾孫也舍我誰歸
勵操彌至撫訓列庠

生員邢冲斗妻傅氏年十九冲斗卒子居敬甫週守節
撫孤以壽終

監生閻國賓妻段氏年二十夫亡事親育子孝慈克盡
直指旌其問

王經妻劉氏廩生郭秀妻師氏王柱妻程氏廩生郭俊
卿妻王氏傳永貞母郭氏生員孟齊卿妻郭氏州同
傅誠誨妻王氏王永光妻陳氏廩生郭維垣妻王氏
同知閻調龍妻郭氏以上俱守志節

國朝

廩生傅若采妻蔡氏年二十七夫故撫子漸列邑庠娶
婦馬氏漸亦亡馬年十九歲夫婦相依賣志以歿庠
生王鼐妻喬氏翁任粵中尉挈家之官氏年二十六

翁夫相繼歿二子在襁褓氏扶兩喪歸越險五千里
鄉黨難之邑令旌其門

廩生侯价妻閻氏武生張濬母陳氏武生孟彪母侯氏
水瑩天妻李氏水光天妻王氏臨武縣令侯七鼎妻
郭氏要榮祥母馬氏馬新選妻柏氏以上俱守志節
靈石縣

周

介母子之推晉侯賞從亡者介之推不言祿祿亦弗及

推將隱其母曰能如是乎與汝偕隱遂隱而死

明

周士輝妻李氏年二十五夫亡無子守志四十餘年天
順間旌表

吳海妻鄭氏年二十三海業商覆舟溺水死氏奉養舅
姑甚謹課子珉業儒紡績佐讀至宵分不輟曰吾勤
以相吾子令忘怠也孀居三十五年成化間旌表珉
舉進士官副都御史氏封太安人

冷泉四烈張熙妻曹氏尚公信妻段氏張桓妻白氏周瑞麟妻崔氏俱家冷泉鎮正德辛未流寇剽掠四婦相攜避山峪中途賊羅執之四氏同聲詈罵誓不從賊賊怒殺之又同時有段氏者亦以不屈投井死有司以聞並賜坊表

崔烈女父名拱居冷泉年十五寇亂父母攜避北山洞中賊搜獲欲污之不屈投崖死

兵備道宋之雋妻喬氏甲申之雋罵賊被殺喬氏觸階

死其女殮其屍拔簪刺頸死

生員吳徽妻周氏都御史吳珉子婦也年十六夫亡孀居五十餘年志行潔白嘉靖間旌表

舉人王之度母牛氏年二十五夫亡守節課子舉孝廉逆閹逼之仕母戒之曰毋辱親負國度奉教不出

國朝授鄖陽判告歸終養

馮氏年十八適郭廷相之子甫一歲夫亡廷相受財強令改適氏潛至夫塚縊死樹上

生員王新命妻翟氏年二十夫亡翁姑令別嫁氏仰藥
死奏聞旌表

張朝明妻李氏朝明被賊執火炙其身氏取衣拂火賊
麾去氏奮不顧身直前撲滅賊怒殺之

張公明妻房氏吳浩妻李氏房學妻耿氏張朝宗妻房
氏田興勝妻段氏生員張詒妻吳氏吳邦妻梁氏閻
智臣妻曹氏子閻春妻吳氏閻仲妻田氏趙廷用妻
王氏王伸妻吳氏劉周南妻李氏燕遊春妻武氏生

員王純政妻梁氏王希舜妻趙氏張种妻曹氏閻思
義母楊氏楊春先妻任氏程士鵬妻王氏以上俱守
志節

國朝

生員王昌祚繼妻劉氏年二十六夫亡翁意令轉適氏
志堅金石屹不為動撫幼孤四炳煌燔煒皆伯叔之
嗣其後者訓迪有方咸得成立雍正七年建坊旌表
王輔廷妻馬氏年二十五夫亡孝養舅姑撫育孤子守

節四十七年清操無玷雍正七年建坊旌表

陳三儀妻耿氏性至孝會歲祲姑病割股療姑饑盜至氏獨隻身居守衛姑禦賊賊感之戒勿犯知縣耿其麟表其閭曰純孝可風

王守緒妻趙氏早寡遺子二俱客死異地次婦趙氏偕姑守志姑病割股療之歲大旱施水渠一道有地者均食其利

王小虎妻趙氏年二十一夫亡矢志守奉姑其母欲嫁之

氏自縊救免事姑終年葬畢氏曰吾今可以死矣服
訖自盡

房可棟妻郭氏歸可棟未逾年可棟流亡莫知所之既
而舅姑逝族人強之嫁氏堅執不從自縊死

房星耀妻王氏年二旬星耀病臨終命更適氏泣曰是
禽獸之不若也遂自縊以殉

楊氏宋明金媳也明金貧病不能醫氏割股和羹以進
病旋愈

趙時貞妻郭氏田野治妻何氏李陽春妻張氏趙元翰妻梁氏裴之龍妻張氏鄭之輔妻王氏裴嗣航妻張氏郝維清妻裴氏裴承緒妻張氏王心孔妻高氏廩生梁肯構妻裴氏廩生王精鑑妻崔氏王斗日妻牛氏李所篤妻關氏王慎躬妻鄭氏吳一龍妻李氏曹珙妻燕氏翟之章妻趙氏宋顯任母王氏田幡然妻梁氏何浩然妻王氏曹天雲妻張氏張國璧妻李氏梁雍妻牛氏張炳然妻和氏以上俱守志節

霍州

元

趙信妻李氏年二十四信卒事舅姑彌謹比歿竭力營喪葬撫子習儒業年六十餘終至治間旌表

郭綵雲許聘程代兒代兒隨父宦遊未還姑閤氏空房娶之至正十八年掃地王兵過姑攜二幼避土洞內兵至大索之同避者咸出綵雲獨挽姑衣曰妾夫未面倘一失節他日何顏見耶堅不肯出被火燠死

明

李謙妻劉氏謙亡家極貧資女紅自給訓二孤有成仲子恂登弘治乙酉鄉薦知州張紀奏達其賢未及立坊而卒

周麟妻史氏知府史素女有淑德夫亡持節歷久彌勵奉詔旌表

生員宋鏞妻衛氏早喪夫家人逼令改嫁氏訟諸官始得全節知州宇文鏞奏其事詔旌

任釗妻安氏夫亡誓不再醮守節五十年教子成立崇
禎間建坊旌表

周洪陞妻朱氏洪陞隨父任山東新城令城陷以身蔽
父死氏年二十餘苦志守節歷四十載時稱忠孝節
烈咸萃一門云

朱毓彝妻郭氏流寇至掠氏上馬毓彝怒奮前繫之遂
遇害郭氏罵曰速殺我得從夫地下斷不從賊也賊
並殺之巡撫吳奏聞旌表

生員周崇妻楊氏崇亡家赤貧累日不舉火饑不能忍以繩縛腰腹積久衣為之斷困極而死州人憐之舉以上聞建坊旌表

高氏某繼妻封恭人年十八夫卒無子女孀居守志值流寇起恐被辱投井隣人救之死而復甦崇禎十六年題請旌表

張氏武庫主事成德母霍氏德繼妻成氏德妹也妹年二十餘因家難未嫁崇禎甲申闖賊陷京城德慟哭

持雞酒奔奠桂宮前奠畢歸家顧妹曰我死汝何依
妹請先死德稱善哭而視其繼妻霍請繼之德痛不
及視入別其母哭盡哀出而自經其母亦即從之
宋福善妻史氏舉人張坦妻李氏任光濟妻李氏以上
俱守志節

國朝

武生劉煌妻杜氏聰慧能書少未有子煌因涉訟卒於
平陽客舍櫬還氏哭之慟決志從死夫殯前一日自

縊檢衣帶中有遺書曰與夫盡節毫無爭端蓋慮母氏之有異言也司李鄒某奏請於朝旌表其門

周女字劉弘芳年十五于歸有期弘芳卒女欲自盡家人防衛甚至女乃減飲食漸積羸瘦不數月而死

李維杞妻郝氏維杞任德化令卒於官氏年二十有奇歷五千餘里扶柩歸葬歲凶瀕死節操彌堅子思民中順治丁酉榜

邢其恕妻許氏其恕客淮揚娶氏甫生子其恕歿柩將

歸里父母誅以利害咸阻其行氏曰已為邢氏婦死亦無辭及至事嫡甚謹朝夕哭泣卒以憂傷死聞者悼歎

邑廩生楊翼妻程氏翼病篤氏語夫曰君死妾不獨生翼卒氏盡鬻其產厚殮之掩戶盟沐自經柩側

生員閻名通繼妻荀氏黃家相妻曹氏晁應春妻楊氏韋文璧妻郭氏周錫爵妻安氏生員張承光妻喬氏成嘉燦妻闕氏馬載書妻郭氏韓志科妻張氏韓育

俊妻朱氏朱鼐鏡妻趙氏范嘉賓妻朱氏楊文芳妻
劉氏生員安貞妻楊氏生員安承教嫡母韋氏石煥
妻郭氏周奇英妻朱氏張永燭妻朱氏劉潤沂妻姜
氏安演妻喬氏張懷德妻任氏翟盛朝妻李氏薛安
所妻王氏朱學燾妻馬氏朱克譙妻賀氏邢其慈妻
李氏以上俱守志節

山西通志卷一百五十一